



醫學質驗

仁集  
 傷寒啓微

三

+武  
 240  
 34



新刊  
012  
山

醫學

仁集

藏書

醫學質驗卷之三

仁集

相州片倉元周深甫著 門人

東奧佐藤政和申節  
上毛今村長顯手注 全校

傷寒啓微下

十陣諸丸方

吾門之臨病施術，務望問切四診，胸中先定，其可立湯  
方，復詢病人所好惡之五味，然後配藥劑，若不按其所惡  
而施純味湯劑，則往往藥下咽即嘔，古云良藥難苦，利  
于病，雖然藥宜病，而患者不能苦咽，則雖有一夜伏病之  
藥，豈能立功效，又醫難效，其對症方，宜病者長年入

門 武  
籍 240  
卷 3 止



醫學質驗卷之三

仁集

相州片倉元周深甫著

門人

東奧佐藤政和中節  
上毛今村長順子正 全校

傷寒啓微下

十陣諸丸方

吾門之臨病施術詳望問聞切四診胸中先定其可主湯  
方復詢病人所好惡之五味然後配藥劑若不揆其所惡  
而施純味湯劑則往往藥下咽即嘔古云良藥雖苦口利  
于病雖然藥宜病而患者不能落咽則雖有一投伏病之  
藥豈得能立功哉又醫雖欲與對證方若病家畏而不用

則雖扁倉復生致失機而不救矣此必然之勢耳是以吾  
立十陣之丸方以應無窮之變臨機應變方施其術無掣  
肘之患乃賴是救人者不暇枚舉今姑出其方於左方以  
示同好君子由是擴充及其他藥品或一品或二品為丸  
兼用者各存于其人吾豈敢悉盡哉古人用丸散湯膏各  
異其所至今盡作丸  
用之者臨時  
貴權之術爾

正陣丸 凡當用參之證而病家曰激痰飲而不敢用則  
宜兼用此丸又正氣太虛者湯劑中雖用參亦宜兼用  
是以強其藥力又此丸兼治翻胃困弱無力及喘急欲  
死者姜汁化下神驗

人參

有朝鮮廣東朝鮮種等而功力有優劣辨詳青  
囊瑣探

右細末稀糊丸梧桐子大每服量人用之

天陣丸 病家及內醫之徒畏附子辛熱不欲用之則不  
入本方中每服兼用此丸又此丸兼治脚氣腿腫大風  
諸痺腰脚冷痺

熟附子

傷寒論湯方以熟附配生薑以生附配乾姜  
此其法也雖然作丸用之則皆宜用熟附子

右細末煉蜜丸梧桐子大每服量人用若易眩者別  
將一錢許以水三合煮取一合本藥和服凡附子烏頭  
之類濃煎而

用之則不眩若瀆麻沸湯絞去滓而服之  
或為丸散而多服則必眩須識之而斟酌

地陣丸 宜至甘草之證而病人惡甘味者湯劑中減之

每服兼用此丸又兼治用苦寒藥而腹痛不止者及傷寒心悸小兒尿血等証

甘草 炙

右細末稀糊丸麻子大每服量人增減丸數

風陣丸 宜溫補散寒之証而若病人惡辛辣味而不堪

飲服者宜於湯劑中減之兼用此丸又兼治心氣卒痛

中寒水瀉冷氣欬嗽陰陽易病等

乾薑

右細末稀糊丸麻子大每服量病輕重增減丸數

龍飛丸 病人不堪苦臭之氣味者及病家懼攻下而不

欲服者並不入湯劑宜別服此丸又兼治熱痢裏急濕

熱眩暈腹中痞塊婦人血癖小兒無辜閃痺瘰癧或乍

痢乍瘥及腦熱等証神效

大黃

右細末稀糊丸桐子大金銀箔為衣每服量人用之○

按聖惠方大黃一味用醞醋熬膏為丸名取積丹

虎翼丸 宜王石膏之証而病家以畏性寒難敢用則須

兼用此丸又兼治骨蒸勞病痰熱喘嗽濕溫多汗小便

卒數非淋令人瘦及乳汁不下小兒身熱及傷熱吐瀉

黃色者

石膏 凡以石藥配湯劑吾門常為極細末連滓服之

右極細末稀糊丸桐子大每服量入用之青黛為衣

鮑蟠丸 治寒實結胸以桔梗貝母煎汁嚼下此丸又兼

治霍乱病心腹撮痛不吐不利者及大人小兒久痢尤  
妙又傷寒舌出推五六丸以紙撚卷內鼻中乃收

巴豆霜 霜說見徽癘新書

右細末稀糊丸雞頭實大辰砂為衣每服量入增損丸  
數○王碩易簡方曰巴豆治揮霍垂死之病藥至疾愈  
其效如神真衛生伐病之妙劑參朮雖號為善畏却能  
為害每見尊貴之人服藥只求平穩而於有瞑眩之功

者不敢輒服醫雖知其當用亦深慮其相信之不篤稍  
有變証或恐歸咎於己姑以參朮等藥迎合其意倘有  
不虞亦得以藉口而不知養病喪身莫不由此周曰和  
漢古今雖迥異人情之同于今日者可以見矣

車輪丸 古者配芒硝之湯劑皆煎煮已成去滓而後內  
此藥上微火一兩沸然後與病人此其法也然若病家  
或畏其性之鹹寒而不敢用則每服湯劑宜兼用此丸  
又兼治五種淋疾又赤眼腫痛鹽水化開洗之尤妙

風化芒硝

右細末打米糊丸桐子大朱砂為衣每服量病輕重而

增減丸數

鳥翔丸 病人不堪苦味者湯劑中去之別作丸而兼用  
又此丸治嘔涎頭痛嘔吐胸滿脚氣冲心心腹冷痛寒  
疝往來霍亂乾嘔多年脾泄等証

吳茱萸

右細末打糊丸桐子大每服二三十丸隨病輕重增減  
雲陣丸 此藥亦味苦澀湯劑中多用則患者多難堪其  
味因作丸兼用又用之治傷寒發狂及傷寒後盜汗不  
止者卒然尿血蛔蟲攻心等証

龍膽草

右細末稀糊丸桐子大每服三四十丸湯子吞下白滾  
湯亦可

○凡著治驗者蓋治在萬不差之病救危篤向死之証則  
紀以備後考或以示同志者若夫脈微細手足厥冷下  
利清穀等証用參附之劑腹滿便難譫語潮熱煩躁脈  
實等者投硝黃之劑乃雖奏起死回生之效不足舉以  
示人此皆古人定法人所固識也獨陰之似陽者陽之  
似陰者似輕而重者似重而輕者臨時有所考得奇效  
則不得不錄以傳後世因錄余治驗百中之一二又附  
前哲醫按二三以示其大意焉

前大御番松平某君夏五念四日得時病其症寒熱頭痛  
 心煩微渴醫拘時月過用芩連石膏等之劑病勢增劇  
 命在須臾六月三日其弟扈從人頭鵞殿某君延余求  
 治診之身體發熱汗出不止手足厥冷舌上黃胎舌心  
 乾燥飲食不進譫語煩躁莫有寧刻又身自發黃脈細  
 數而無根余曰此少陰正候耳非務用參附且灼艾則  
 不可矣病家問死生余答曰不可決傷寒論曰手足厥  
 冷煩躁灸厥陰厥不還者死今施灸藥而厥還則當生  
 若不還則死夫施此法而奏全效非余之功也此皆前  
 賢之所固論定也乃與茯苓四逆湯日四貼每用朝鮮

種人參一錢家園附子六分茯苓一錢乾姜八分甘草  
 五分外灸氣海天樞神闕日一夜一次日厥還而大渴  
 欲飲水因之家人將泠沸湯以與之余乃引漢書五行  
 志以止之且援厥陰病欲飲水者少少與之之文以証  
 焉便覓井花水半甌許以進病人一啜而盡曰如得醜  
 酬味於此渴頓止人知白虎証與水而未知四逆証與水湯藥灼艾併施  
 者凡五日諸証大平而黃尚未去乃於本方內更加茵  
 陳五分用此三日黃悉去而但飲食不進乃改方用治  
 中湯然後過二三日則日晡發熱脈數微煩心下鼓動  
 彈指余以為大邪既去而動氣太甚者蓋精液耗散而



真元大動脈見者因竊患正氣不能接續或致不能起矣又重熟思而以為溫補之劑雖中肯綮然以改方之早正氣尚不能振餘邪留中位未悉去其勢將復蔓延耳遂決以新定太乙煎作本藥以真武湯交其間俱加人參五六分頻與之次日戰慄大作而命將絕病家大懼走使欲迎余余適往乃視謂曰佳兆也前賢所謂戰而汗出解云者此爾斯須戰止熱大發而得大汗於被中自此諸証脫然如失飲食漸進唯苦不大便十餘日與龍飛丸三十粒次晨得大便二行乃以七珍散之類調理數日而全安

參附並用本邦所產者而奏大效者凡此類不可枚舉

富澤坊買故衣某管家頭痛微熱三四日後忽熱甚汗出不止手足懈怠心下痞鞭下利日夜廿餘行譫語不得眠又三日矣渠近隣針醫良碩者嘗識予因薦予求治診其脈沈微無力舌胎黃潤汗瀉愈劇予以為此協熱下利即與桂枝人參湯三帖次日又投七帖於是脈漸大而有神然而諸証居然不衰時又欲嘔因與生姜瀉心湯一日嘔乃止而諸証猶不解舌胎變沈香色而不乾燥於是予詳問其欲大便之狀曰時時或彈響或又澀滯乃視其大便則與尿混雜而難辨涎之無有臭氣再診腹部臍下不有硬滿虛實之分殆難辨認矣予熟

思久之乃以為據腹脈與下利則雖似虛亦視大便時  
彈響或澀滯則此陽証之似陰候者也此時正申脾廼  
與小承氣湯三帖其夜大便九行比前日減三行乃自  
信按之不差次日復投七帖下利晝夜總八行其間黑  
便大下者三次熱大解汗始止舌胎如失唯有痰涎用  
二母降氣湯日三貼六日而涎收熱盡解全愈

小傳馬街鍍金匠某女年十一傷寒十餘日初服發表之  
劑四五日而病勢轉增劇耳聾口乾舌上黃胎譫語煩  
躁悶亂不寧日夜不能眠時亦微利日食稀粥不滿半  
甌但好啖生菓物脈細數無倫醫或與柴胡桂姜湯或

與大柴胡湯或與竹葉既濟湯或與真武湯並不效既  
而至困篤與茯苓四逆湯以委命於天其隣人薦余請  
治予急求熊膽湯中化開以丹砂一錢和勻灌之續與  
柴胡加龍蠈湯用之三日諸証頓平乃改用淨府湯十  
有餘日而健啖如昔日

栗本兵庫子年十八傷寒十餘日已經汗下譫言妄語煩  
躁不寧舌上黑胎乾燥微渴鼻如烟薰小便赤澀時亦  
遺尿不大便八九日肌膚無潤澤脈細數無倫余與茯  
苓四逆湯每貼加人尿半甌許用之八九日得燥屎五  
枚而始知人事乃用真武湯加人參二十餘日而得愈

一少年患傷寒八九日初服葛根湯柴桂湯大柴胡湯之類猶發狂登屋奔走呼號因日夜令壯夫看守急走使延予診視脈弦緊煩熱微渴小便不利以柴胡加龍蠅湯去鉛丹加鐵粉錢八二日間用八貼而安但夜不能眠乃與深師酸棗湯七八日而全痊

神門外豐島屋某一僮年十五霖雨數日之後為時氣所冒發熱頭痛惡風汗自出項背強四肢懈怠脈浮數乃與桂枝加葛根蒼朮湯二三日諸証安而但身熱不去微汗出舌上有胎因與新定太乙煎四日病勢不進退不大便六七日然脈自和是以堅守不改方門人某謂

曰先生盍用大柴胡湯余曰否如是而過三四日則心下痞門人又謂曰先生盍用瀉心湯余曰否仍守用前方五六日脈勢沈弱而熱猶不解乃將新定益衛煎增鱉甲用之三四日發汗疹而諸証悉歸烏有乃謂門人曰凡醫之治病測證之緩急而施藥急則與單方緩則施衆品以收功若不察此等意味而欲謾用古方奏效則恐不免無以割牛象之刀用之鷄狗之過也門人唯唯而退

日本橋桶街生菜舖年四旬許患傷寒解後頭痛不止常以手中緊縛其頭覆蓋絛衾而呻吟不間晝夜如此者

已七八日，鍼藥皆不效。飲食日減，延余求治。診之脈腹和，余曰：此餘邪獨在頭中，乃與猪牙皂角末一挺許，相囑云：當敷少許於指頭塗鼻孔，以取嚏。遂行此法，日六七次，不假湯藥，二日而頭痛全差，健食如昔日。

真武

西京一商賈，中夏冒雨，歷岐曾山中，來東都到之日，發熱頭痛，汗出惡寒，舌上生胎，手足倦怠，大便下利，乃就時師請治。與藿香正氣散、胃苓湯等，轉用轉劇。求治於余，診之脈數而無力，余以為山行冒雨，寒濕入裏，未為劇証，乃以真武湯倍水用之。四日，諸証悉平，調理七八日而全愈。此時師以為輕，而我取之重，而立功者也。

本石街裱稍匠妻產後患傷寒，發熱喘嗽，頭痛項背強，口

渴而小便淋瀝，脈浮數，乃與新定再濟湯，六七日，諸証

平而咳嗽不止，小便不利，身體腫脹，喘而不能卧，因與

新定禹翼湯，方見產科發蒙十餘日，小便日利，多而腫脹悉消。

飲食起居如故，然獨面腫不消，數日乃與獨味紫蘇湯

每貼三匙，日二貼，五日而全瘳。

一門人某感風寒，身有微熱，嗽不止，數日自服小青龍

湯、苓桂五味乾薑細辛半夏湯等，皆不效。卧則嗽殊

甚，議治於余。余曰：用溫藥而不效，且臥而嗽甚者，是皆

有火之象，因疏一方與之，即活。人柴胡半夏湯倍加，知

母彼用之六七日漸漸而得瘳

橋本街書師阿松年向四十寒熱頭痛舌上生白胎左腰  
醫以為瘀血治是七八日腰痛益甚商治於余余曰此  
傷寒邪氣在中位夾疝而欲漸實于胃之勢耳乃用大  
柴胡湯加吳茱萸至夜與龍飛丸三十粒翌日下大便  
軟硬得中者凡三行腰痛頓止仍用前湯七八日諸証  
大平乃與小柴胡加芍藥湯全瘳大柴胡湯即不用大黃者也  
富澤坊買故衣喜平妻娠而八月素效嗽偶為外邪所感

傷發熱多汗舌上焦黃搖動身則效嗽頻發每效則失  
溲時夏五猶覆重被踈卧牀褥常挾故絮於兩股間欲  
不搖身熱勢滋熾汗滋多邀余治之診之脈數而無力  
揚被則熱臭之氣殆撲鼻余乃將真武湯加五味子山  
茱萸四貼而效嗽止熱勢仍不減余曰邪熱熾盛墮胎  
難測因以伏龍肝塗臍下護胎然不得保胎其夜而墮  
乃將十全湯加黑炒乾姜用之十餘日熱盡解惡露盡  
而全然得瘳此不逐邪氣與瘀血惟補血氣而惡露自  
盡隨惡露而邪氣自去者也

江篁南治從叔於七月間得霍亂証吐瀉轉筋足冷多汗

囊縮一醫以傷寒治之增劇江診之左右寸關皆伏不應尺部極微口渴欲飲冷水乃以五苓散與之覺稍定向午猶渴以五苓加麥冬五味子滑石投之更以黃連香薷飲冷進一服次早脈稍出按之無根人脫形且吃忒手足厥冷飲食不入入則吐大便稍不禁為灸丹田八九壯囊縮稍舒手足稍溫繼以理中湯二三服渴猶甚咽疼熱不解時或昏沈乃以竹葉石膏湯投之而愈張介賓在燕都嘗治一王生患陰虛傷寒年出三旬而舌黑之甚其芒刺乾裂焦黑如炭身熱便結大渴喜冷而脈則無力神則昏沈羣醫謂陽証陰脈必死無疑余察

其形氣未脫遂以甘溫壯水等劑進之以救其本仍間用涼水以滋其標蓋水為天一之精涼能解熱甘可助陰非若苦寒傷氣者之比故於津液乾燥陰虛便結而熱渴火盛之証亦所不忌由是水藥並進前後凡用人參熟地輩各一二斤附子肉桂各數兩冷水亦一二斗然後諸証漸退飲食漸進神氣俱復矣但察其舌黑則分毫不減余甚疑之莫得其解再後數日忽舌上脫一黑殼而內則新肉燦然始知其膚腠焦枯死而復活使非大為滋補安望再生若此一証特舉其甚者紀之此外凡舌黑用補而得以保全者蓋不可枚舉矣所以凡

診傷寒者當以舌色辨表裏以舌色辨寒熱皆不可不知也若以舌色辨虛實則不能無誤蓋實固能黑以火盛而焦也虛亦能黑以水虧而枯也若以舌黃舌黑悉認為實熱則陰虛之証萬無一生矣

先醒齋筆記載高存之隣人賣腐者傷寒發噦兩日夜不省人事其子乞方仲淳問曰汝父當時曾頭疼身熱乎曰然曰曾服汗藥乎曰未也曾吐下乎曰未也仲淳因索傷寒書檢之其方類用乾姜柿蒂丁香及附子等溫熱之藥未條僅載白虎湯一方仲淳思之曰傷寒頭疼身熱口渴本屬陽明熱邪傳裏故身涼發噦未經汗吐

下邪何從而出第其人年老多作勞故于白虎湯中加參三錢一劑立起

王海藏治一婦先病惡寒手足冷全不發熱脈八至兩脇微痛治者便作少陽治之陽在內伏於骨髓陰在外致使發寒治當不從內外從乎中治也宜以小柴胡調之倍加姜朮

孫一奎治陳士美孤子也年弱冠由夢遺後患頭疼發熱時值仲夏醫治不瘳凡市中有名者率延致轉治轉熱反加水瀉口渴日夜不得眠者旬日眾視為危時有俞氏者用參耆白朮為其斂汗止瀉而汗瀉愈劇呻吟不

間晝夜勺粒不入口，咳嗽胸痞，躁悶不寧，又四日矣。渠親邵瓊林交予，因挽邵逆予為治，診其脈左絃長，右洪大，俱七至，舌胎焦黃，體若火燎，神昏氣促。予曰：此仲景傷寒熱症也。邪在陽明少陽二經，其危不啻風中屬胡。時師不認症，察脈徒以夢遺受病，率投補劑，無怪乎轉治轉劇也。幸予至，設遲一日，大事去矣。用石膏五錢，柴胡知母各三錢，炙甘草白芍藥枳殼桔梗黃芩天花粉各一錢，粳米一撮，急煎飲之。夜半熱稍退，神稍靜，脈之仍數甚，繼以前劑進。天明乃得睡覺，而熱退神清，瀉止，鬲寬，惟口尚渴，再用柴胡一錢五分，白芍藥麥門冬知

母各一錢，石膏三錢，甘草五味子各五分，人參七分，服之。舌潤渴止，餘熱盡退，粥飲始入，漸向安矣。次日忽兩足指前一截，痛如犬啣，不能耐，以野蓼一握入明礬四兩煎湯薰洗，痛勢稍緩。又以薏仁三錢，木瓜二錢，黃栢牛膝各一錢，漢防己三分，一帖而愈。後又乾咳嗽晝夜不任口，喉且疼，胸脹而體暑熱，此為誤服參朮太早之過。用馬兜鈴百部御米殼各用蜜水製過一錢，五味子甘草各五分，百合二錢，四帖而愈。

○吾門之采方設內外雜新四篇，以收之內篇所收者，擇傷寒金匱二書之方，間附余所歷驗之証候於方後，是



也外篇所收者晉唐以來名賢之立方乃於古方中加減一二味三四味或合一方三方而作成方者是也雜篇所收者亦名賢所定方而不與古方相涉者是也新篇所收者本邦所傳來方與余之所自製方是也便分類而聚犁為二十卷而藏于家命之曰倉氏既驗方雖然歷代經方之浩繁賤業紛擾之無暇未能悉涉獵而為全璧常以憾焉夫治疾之道貴依古之法而亦不泥古之方此謂之活法今姑於外雜新三篇中抄出可羽翼乎傷寒百十四方者以錄左方學者臨時酌量擇以用之則不無裨益於斯道焉

新定十七方

此予應病變化而所立方歷驗頗多率皆依古人成方而增加減損者也嗟數百年後有知我而信用之者則思過半矣夫治病猶用兵故方名多取於陣云

握竒煎

素血液不足及勞役過度之人為風寒被感傷

發熱頭痛身疼腰痛四肢倦怠舌赤而無苔渴而欲溫

湯脈數而無力者用之神驗

桂枝

芍藥各二人參

乾姜各一甘草五分

當歸

地黃各一各一分生姜各一分大棗各一分

右水煎熱服若嘔者去地黃加半夏項背强者加葛根○此方孫真人治產後虛損當歸芍藥湯也今周取此改分兩更加乾姜施陰血不足而感外邪者每每奏奇

效矣

太乙煎 治傷寒數日身熱不解病不傳變舌上黃白苔生或又乾燥心下痞硬四肢怠惰其脈不浮不沈而數者

柴胡 知母 青皮 草菓 厚朴

黃芩 白朮 茯苓各等分 甘草減半 生姜三片

右十味每服四錢水一盞半煎一盞服更加鱉甲尤妙金革煎 治傷寒四五日不惡寒發熱甚舌胎如沈香色心下痞或煩渴欲嘔吐

柴胡二錢 黃芩 半夏各一錢半 甘草五分 竹筍一錢半

麥門二錢 鴨跖草二錢

右七味水煎溫服

天乙煎 得病不惡寒但潮熱肚腹拘急腰不能伸時或作痛飲食不進或欬或吐涎沫或吐下虵蟲者並皆治之

芍藥三錢 桂枝一錢半 木香 良姜 烏梅

山椒 甘草各五分 生姜八片

右八味水煎溫服○此方烏梅丸安虵理中湯之類不效者與之神驗矣若虛中夾實者兼用大追蟲丸方見保嬰

須知

金圓煎 治傷寒欬不止嘔吐痰沫脇肋引痛喘滿氣短睡卧不安

欵冬花 茯苓各二 五味子 乾姜

桂枝各一 紫苑一 甘草八分

右七味水煎溫服

土方煎 治傷寒胸下有水氣咳嗽脈數無力口舌乾燥或渴或下利者

附子 乾姜 五味子 白朮

茯苓 芍藥 麥門冬各等 甘草減半

右八味水煎溫服

水曲煎 治傷寒五六日胸中煩熱渴而心下痞硬或欬嗽或煩懣者

括蕒根 竹葉 麥門冬各二 甘草五分

黃連 人參 生姜各一 大棗七枚

右八味水煎溫服

火銳煎 治傷寒十餘日下利譫語不省人事虛熱熾盛驚恐卧起不安如見鬼狀津液枯燥口舌無潤脈細數無力或四肢厥冷者

附子 乾姜 甘草各二 茯苓三 人參一

龍骨一 熊膽五分 童子小便半盞

右前六味水煎湯成入熊膽與童便和調服之

木直煎 治傷寒不大便六七日腹微滿小便數舌上乾

燥或譫語或大便利熱臭時彈響者

當歸 芍藥各二 大黃 枳實 厚朴

人參各一 甘草五分

右七味水煎溫服

雲垂煎 治傷寒吐血衄血尿血下血

竹筍 沙參 芍藥 黃連 百合

當歸 芎藭 芡花 甘草各一 地黃三

右水煎溫服若血勢猛者加蓮房燒存性二錢犀角屑

七分若猶未止以花蓋石末一錢點服莫不止者

衝方煎 治傷寒熱毒熾盛壯熱煩渴口舌乾燥齒齦黑

色口內有臭氣而脈洪數而有力者

藍葉 竹筍 知母各二 石膏三

人參一 甘草五分 鴨跖草二

右七味水煎溫服若口中臭氣甚者加白犀角一二錢

不渴者去人參

車輪煎 治傷寒唇齦燥裂血出不止及口瘡吐血鼻衄

熱勢盛者

藍葉 黃連 犀角 黃礬 梔子各等

右水煎溫服若血多出者加櫻櫚灰茅花灰尤神驗  
鴈行煎 治傷寒數日寒熱如瘧心煩善嘔胸下堅或舌  
上生苔或渴而小便澀滯者

柴胡 八分 鱉甲 七分 萎蕤 六分 黃連 五分 茯苓 四分

草菓 三分 半夏 二分 甘草 一分

右生姜水煎三日內服盡一劑心下和二劑而熱悉解  
再濟湯 治產後傷寒發熱頭痛舌上乾燥小便淋瀝

麥門冬 茯苓 藍葉 竹葉 防風

葛根 桂枝 桔梗 各等分 生姜 大棗 減半

右十味水煎溫服

八奇飲 治大邪去後虛煩不得眠

竹葉 酸棗人 人參 茯苓 芍藥

白朮 柴胡 各等分 辰砂 少許

水姜棗煎服

二母降氣湯 大邪已去胸中不利痰涎湧盛

知母 貝母 蘇子 茯苓 瓜蒌仁

橘皮 當歸 各等分 甘草 減半

水姜煎服

奇營煎 治傷寒身熱不去舌上乾燥心中煩而下血者

黃連 二分 黃芩 一分 阿膠 芍藥 地黃 各二分

右五味水煎溫服○若下血不止加蓮蕊二三錢

○前哲傷寒方彙 總一百三十八首

頭痛壯熱 方三十首

防風散 魏氏家藏方 療傷寒時氣頭痛壯熱惡風百節酸疼肩

背拘急面赤虛煩聲重咳嗽寒熱不除欲解利者春夏

多用之

陳皮 去白 甘草 炙 藁本 厚朴 去皮姜汁製各二兩 獨活

防風 桔梗 各三兩微炒 蒼朮 於木臼內略杵去皮却入布袋內打淨秤二兩

右為細末每服三錢姜三片棗子二箇水壹大盞煎七

分溫服沸湯點亦得

普救散 同 治四時傷寒渾身發熱四肢疼痛頭重眼疼不

問陰陽二証並皆治之

蒼朮 一升米泔浸三日焙乾 乾葛 半斤切焙 甘草 四兩炙 香白芷 六兩

右為粗末每服二大錢水中盪前七分去滓熱服如要

出汗加連根蔥白二寸同煎併兩服滓再煎一服不拘

時候但用砂銚煎煮不得犯銅鐵器

普濟散 同 治傷寒感冒表裏未分不拘老幼皆可服之且

宣導經絡不致傳遍 臨川呂醫家傳方

川芎 白芷 香附子 去毛炒 陳皮 洗淨去白 青皮 去穢

升麻 乾葛 紫蘇葉 芍藥 甘草 炙

右等分碾為粗末每服三錢水一盞半生姜五片煎至七分不拘時候如發熱頭疼加連鬚蔥白二寸如胸滿氣痞加枳殼少許

解肌湯 延年 主天行病二三日頭痛壯熱者

乾葛 四兩 麻黃 三兩去節 芍藥 二兩 黃芩 二兩 甘草 一兩

大棗 十二枚 桂心 一兩

右七味以水八升煮取二升半去滓分三服得汗愈

平陽湯 辨証錄 治傷寒身熱一日即譫語

桂枝 三分 麻黃 一錢 甘草 一錢 青蒿 三錢 天花粉 一錢

水煎服一劑而熱退譫語亦止矣用青蒿為君者退熱而又能散邪

爭先湯 同 治証同前

葛根 五分 麻黃 五分 石膏 一錢 麥冬 五錢 茯苓 五錢

半夏 八分

水煎服

葛根蔥白湯 全生集 治已發汗頭疼甚而熱不可解者

葛根 上 芍藥 中 知母 中 川芎 中

頭痛甚加白芷 熱甚加柴胡 骨體痛加羌活 渴

加石膏天花粉 水蔥薑煎服 周按本出總病論加減法則陶華之所錄

川芎石膏湯 同 治時氣壯熱頭痛無汗脈洪長惡風

煩渴者

川芎<sup>上</sup> 石膏<sup>中</sup> 麻黃<sup>下</sup> 蒼朮<sup>下</sup> 葛根<sup>中</sup>

甘草<sup>下</sup>

渴加知母天花粉○熱甚加黃芩柴胡退熱也

知母解肌湯古今錄驗療溫熱病頭痛骨肉煩疼口燥心悶者

或是夏月天行毒外寒內熱者或已下之餘熱未盡者

或熱病自得痢有虛熱煩渴者

麻黃二兩去節知母三兩葛根三兩石膏三兩甘艸二兩

右五味以水七升煮取三升分為三服已下略

葛根橘皮湯小品療冬溫未即病至春被積寒所折不得

發至夏得熱其春寒解冬溫毒始發出肌中斑爛隱癢

如錦文壯熱而欬心悶嘔但吐清汁

葛根 橘皮 杏仁 麻黃 知母

黃芩 甘草炙各二兩

右七味切以水七升煮取三升分溫三服

十味人參湯聖濟總錄治傷寒頭痛體疼寒熱不解

人參 厚朴生薑汁炙 桂 甘草炙 杏仁

白朮 乾姜 白茯苓 陳橘皮焙各一兩 麻黃二兩

右麤末每服三錢匕水一盞入生薑二片棗一枚擘破

煎至七分去滓熱服纔覺傷風併三兩服汗出立差

治傷寒頭痛壯熱百節疼痛方千金方



柴胡 梔子 芍藥 知母各四兩 升麻

黃芩 大青 杏仁各三兩 石膏八兩 香豉一升

右以水九升煮取二升七分溫三服若熱盛加大黃四兩

逐風散石室祕錄 治傷風頭痛身疼咳嗽痰多脈浮者

防風 荆芥 柴胡 甘草 黃芩

半夏各一

水煎服

蕩寒湯同 治傷寒鼻塞目痛項強頭痛脈浮緊者

桂枝 甘草 陳皮 乾葛各一

水煎服

十味和解放楊氏家藏方 發散寒邪治頭痛發熱肢體倦怠

白朮二兩 桔梗一兩 人參去芦頭 當歸洗 橘皮去白

枳殼去穢炒 芍藥 防風去芦頭 甘草炙各一分 厚朴半兩生

右件咬咀每服五錢水一盞半生薑五片葱白三寸同煎至一盞去滓熱服不拘時候

五勝散中藏經 治四時傷寒冒風身熱頭痛昏倦寒痰咳

嗽及中滿傷寒三日以前服無不效

甘草炙 石膏 白朮 五味子各一兩 乾姜三分

右五味同為細末每服二大錢水一盞入生姜二片棗

子一箇同煎至七分去滓溫服中滿以鹽煎傷風頭痛  
加荆芥煎不計時候服

柴胡飲子宣明論 治解一切肌骨蒸積熱作寒熱往來畜

熱寒戰及傷寒發汗不解或中外諸邪熱口乾煩渴或  
下後熱未愈汗後勞復或骨蒸肺痿喘嗽婦人餘疾

柴胡 人參 黃芩 甘草 大黃

當歸 芍藥各半兩

右為末每服抄三錢水一盞生姜三片煎至七分溫服  
日三服病熱甚者加減之

黃連解毒湯同 治傷寒雜病躁熱毒煩悶乾嘔口燥吟呻

喘滿陽厥極深畜熱內甚俗妄傳為陰毒者及汗下吐  
後寒涼諸藥不能退熱勢兩感証同法

黃連去鬚 黃蘗 黃芩 大梔子各半兩

右剉如麻豆大每服秤半兩水一茶盞煎至四分絞去  
滓溫服或腹滿嘔吐或欲作利者每服加半夏三箇生全用

厚朴二錢剉 茯苓二錢去皮剉 用水一盞半生姜三片煎至半

盞絞汁溫服名半夏黃連解毒湯○周按此方本出肘

後方治傷寒時氣煩嘔不得眠後人用來而廣其主治  
者爾此劉純玉機微義所云太倉公火劑湯也然未知

何據

桂心湯 聖濟總錄 治傷寒陰盛身寒脈候沈細頭痛體疼

桂 麻黃 甘草 炙 人參 各半兩

白朮 杏仁 湯浸去皮尖雙人炒黃 附子 炮裂去皮臍各三分

右七味咬咀如麻豆大每服五錢匕用水一盞半入生

姜半分同煎取七分去滓溫服 周按此麻黃附子甘草湯變方

柴胡半夏湯 活人書 治痰熱頭痛利膈除煩悶手足煩熱

榮衛不調肢節拘倦身體疼痛嗜卧少力飲食無味兼

治五飲消痰癖

柴胡 八兩 人參 三兩 半夏 二兩 半洗 甘草 二兩 炙 黃芩 三兩

白朮 二兩 麥門冬 三兩 去心

右每服五錢匕水一盞半生姜五片棗子一枚煎服

嘔噦吐血衄血下血 方二十六首

通正散 聖濟 治傷寒噦逆嘔吐是諸氣妄行

丁香 乾柿蒂 各一兩 蓮子肉 伍拾枚去心

右三味搗羅為細散每服二錢匕溫酒調下飯飲亦得

周按此方本出肘後用丁香一兩柿蒂一兩焙乾搗末人參煎湯下一匙今聖濟錄更加蓮肉者耳

丁香湯 同 治傷寒嘔噦不止或吐酸水

丁香 三分 厚朴 去麋皮 乾姜 炮各一兩 高良姜 一分

右四味每服三錢匕水一盞煎至五分去滓熱服

柿蒂湯 同 治傷寒嘔噦不止 乾柿蒂 七枚 白梅 三枚

右二味作一服用水一盞煎至半盞去滓溫服不拘時

高良姜湯同 治傷寒嘔噦心腹冷疼痰逆不消

高良姜 甘草炙剉各半兩 桂去鹿皮 半夏炒黃各一兩

右四味每服三錢匕水一盞入生姜三片同煎至五分

去滓食前溫服兼治一切冷氣心腹疼痛

四逆加生姜湯同 治少陰証嘔噦者

萹澄茄湯同 治傷寒嘔噦日夜不定

萹澄茄 高良姜各三分

右二味每服三錢匕水一盞煎十餘沸入醋少許攪勻

去滓熱服不拘時

定氣散同 治傷寒時多嘔噦不止

高良姜半兩 草豆蔻去皮一枚 甘草炙 木香炮各一分

右四味用酒浸紙裏煨令香熟焙乾擣羅為散每服二

錢匕醋湯調下

半夏生姜湯易簡方 傷寒之後有吃逆者此証最危當用

半夏一兩 生姜兩半

白水煎服

茅根葛根湯總論 溫病有熱飲水暴冷嘔者主之

茅根 乾葛各半升

水四升煎二升去滓溫飲一盞周按麗又有枇杷茅根湯方主治與此方正同

即枇杷葉茅根各半斤水四升煮去半去滓稍熱飲之一二盞

白木飲 聖濟 治傷寒伏陰氣胸膈妨悶吐逆不定手足

厥冷

白木 炒 附子 炮裂去皮臍 高良姜 炮 桂 人參

乾姜 炮 藿香 去梗一分

右七味每服三錢七水一盞煎至七分去滓溫服

丁附理中湯 全生集 治胃寒呃逆及治服寒涼藥過多傷

胃呃忒者

丁香 上 附子 中 乾姜 中 人參 中 白木 中

甘草 下 加吳茱萸官桂砂仁陳皮 各中 甚者加良姜

冷氣逆上者加沈香

水姜煎磨木香姜汁溫服

茅根湯 總病 治嘔吐發熱脈滑數或洪者

茅根 半斤 麥冬 二合半 半夏 一兩 人參 半兩 茯苓 半兩

生薑 二兩

咬咀水五升煎一升半去滓溫溫分四服

半夏藿香湯 溫疫論 下後嘔者此屬胃氣虛寒少進粥飲

便欲吞酸者此方主之

半夏 一匙五分 真藿香 一匙 乾姜 炒一匙 白茯苓 一匙

陳皮 一匙 白木 炒一匙 甘草 五分

水姜煎服

脾腎兩溫湯

辨正

治傷寒至十日惡寒嘔吐

人參 三錢

白木 五錢

肉桂 一錢

巴戟天 三錢

丁香 三分

肉豆蔻 一枚

芡實 三錢

山藥 三錢

水煎

沈附湯

直指方

治虛寒無陽胃弱乾嘔

沈香

白朮 各一兩

附子

乾姜 炮各半兩

甘草 炒一錢半

右每三錢

姜五片煎服

周按易簡方用沈香附子二味同方名

龍骨湯

聖濟

治霍亂下利手足逆冷昏塞不自知

附子

炮裂去皮臍一兩

乾姜

甘草 炙

人參 各一兩半

龍骨 燒一兩

右每服三錢心水一盞煎至七分去滓溫服日三

周按即肘

後四順湯加減

生薑根湯

千金方

療傷寒後嘔噦及乾嘔不下食

生薑根

切一升

青竹筍 一升

粳米 三合

生薑 切二兩

右四味以水七升先煮千里鞋底一隻取五升澄清下

藥煮取二升半去滓隨意便飲不差重服

元周嘗用此方以伏龍肝

換千里鞋底

治傷寒嘔不止方

肘後方

甘草 三兩

橘皮 一升

水五升煮取三升分服日三取差

通草湯 千金方

療傷寒後嘔噦

通草 三兩

生蘆根 升切一

橘皮 一兩

粳米 三合

右四味切以水五升煮取二升去滓餘同前方

升麻湯 集驗

療傷寒熱病喉中痛閉塞不通

升麻 三兩

通草 四兩

射干 二兩

羚羊角 三兩

芍藥 三兩

生蘆根 一升

右六味切以水七升煮取二升半去滓分為三服

蒲黃湯 古今錄驗

療傷寒溫病天行疫毒及酒客熱傷中吐血不止面黃乾嘔心煩

蒲黃 一升

桑寄生 一升

桔梗 一作枳

犀角 屑

甘草 各二兩

炙

葛根 三兩

右六味以水七升煮取三升去滓分三服

芍藥地黃湯 小品

療傷寒及溫病應發汗而不發之內瘀

有畜血者及鼻衄吐血不盡內餘瘀血面黃大便黑者

芍藥 三分

地黃 半斤

丹皮 一兩

犀角屑 一兩

右四味以水一斗煮取四升去滓溫服一升日二三服

有熱如狂者加黃芩二兩

榆麥知竹湯 醫方筆記

治傷寒熱解後復下血不止

仲淳云此失汗

証也

地榆

麥門冬

知母

竹葉

右水煎 此方出仲淳醫案今周取是始定方名

黃芩芍藥湯 活人 治鼻衄

黃芩 三分 芍藥 各 甘草 炙各半兩

右為粗末每服三錢水一盞煎至六分去滓溫服

茅花湯 活人 治鼻衄不止

茅花一大把水三盞煎濃汁一盞分作二服即差如無

花以根代之

涼膈散 局方 治心火上盛膈熱有餘目赤頭眩口瘡唇

裂鼻衄吐血欬嗽痰涎淋閉不利大小便不通或傷寒

半表半裏及胃熱發斑

連翹 一兩 甘草 山梔子 黃芩 大黃

薄荷 各五分 朴硝 二錢半

每服一兩水一鍾竹葉三十片同煎七分去滓入生蜜

少許食後溫服加黃連五錢名清心湯

煩渴小便不利 方一十首

八味知母湯 聖濟 治傷寒數日不解心躁煩亂小腹脹

急臍下悶痛大渴喘乏

知母 焙 芍藥 麥門冬 去心焙 芫胡 澤瀉 各三分

石膏 一兩 黃芩 去黑心 甘草 炙各半兩

右八味每服三錢七水一盞入生姜一棗大拍碎竹葉



三七片同煎至七分去滓食後溫服

豬苓湯同 治傷寒煩渴小便不利

豬苓去黑皮剉 赤茯苓去皮 滑石碎 葛根剉 澤瀉剉

右五味等分每服五錢匕水一盞半煎至八分去滓服

黃芩人參湯深師 療傷寒吐下後內外有熱煩渴不安

黃芩 人參 甘草 桂心 生薑各二兩

大棗十五枚擘破

右六味以水八升煮取三升分三服

五味麥門冬湯同 療傷寒下後除熱止渴

麥門冬去心 五味子山 人參 甘草炙 石膏碎各一兩

右五味擣篩三指撮水一升二合煮令沸得四合盡服

竹葉湯崔氏 療煩躁而渴不止惡寒仍熱盛者不徒療

天行凡虛羸久病及瘡後胸上痰熱者服之皆妙

甘草二兩炙 棗十五枚擘 半夏一兩洗 芍藥三兩 前胡一兩

黃芩一兩 小麥五合 人參二兩 粳米一升 知母二兩

桔樓一兩 生姜四兩 竹葉一把須以竹葉飲代

右十四味以竹葉飲一斗五升煮取五升分三服若非

天行而虛羸久病胸生痰熱亦可服之加黃耆二兩除

黃芩減知母一兩除桔樓用之大効通按藤乃小竹即箭竹也

人參竹葉湯全生集 治過經煩熱不解

人參 竹葉 麥冬 甘草 軟柴胡

黃芩

水姜棗煎服○舌乾口燥欲飲水者加石膏知母○胃弱者加炒粳米○如口苦不乾燥有津液若嘔者加半夏○口苦心煩加黃連○無熱不渴脈沈足冷加熟附名既濟湯

連理湯

証治要訣

治陰証上部見熱候因下利津液既去枯

燥而渴甚者

即理中湯加茯苓黃連

周將此方每治瀉心湯症而上熱輕胃氣弱者神效

既濟湯

易簡方

治傷寒後下利發熱者

即竹葉石膏湯去石膏加附子○諸經方曰治陰陽隔

絕霍亂虛煩傷寒後陽虛煩渴手足厥冷者

瞿麥湯

崔氏

療傷寒熱盛小便不利

瞿麥

三兩

甘草

三兩

滑石

四兩

葵子

二合

石葦

三兩去毛令盡

右五味以水八升煮取二升半分三服

茯苓湯

聖濟

治傷寒心下痞滿小便不利

茯苓

白芍藥

瞿麥穗

各一兩

白朮

半兩

右四味每服五錢匕水一盞半蔥白五寸生姜一分同煎至七分去滓食前溫服

發黃

方三首

吳藍湯外臺祕要療黃疸身腫發熱汗出而渴狀如風水汗

出著衣皆黃上

吳藍六分芍藥 麥門冬去心桑白皮 漢防己

白鮮皮 山梔子各六分

右七味各細切以水二升煎取八合去滓空腹分二服

得效方全生集治發黃身目悉黃如金色小便如濃煮栢

汁諸藥不效者

茵陳 黃連 山梔 黃芩 黃栢

柴胡 甘草 龍胆 升麻 木通

滑石 大便秘加大黃 虛弱加入參 目睛黃倍

加龍胆草 水燈心煎服

茵陳茱萸湯同治陰黃腹痛或脈伏不出

吳茱萸上當歸中附子下木通下乾姜中

茵陳上人參中

水燈心煎服

傷寒熱利南陽曰挾熱利者臍下必熱大便赤黃及腸間津液垢膩方四首

三黃熟艾湯活人書治傷寒四日而大下熱利時作白通

湯諸藥多不得止宜服此湯除熱止利

黃芩 黃連 黃檗 熟艾半鷄子大

右咬咀水煎溫服

赤石脂丸 活人 治傷寒熱利

赤石脂 乾姜 炮各一兩 黃連 當歸 各二兩

為末煉蜜丸如桐子大每服三十九丸米飲下日三服

地榆散 同 治傷寒熱毒不解日晚即壯熱腹痛便利

膿血 地榆 犀角屑 黃連 炒 葛根 各一兩 梔子 半兩

黃芩 一兩 右咬咀每服五錢水一盞入薤白五寸同煎溫服

黃連阿膠湯 同 治傷寒熱毒入胃下利膿血

梔子仁 半兩 黃蘗 一兩微炙切 黃連 二兩微炒 阿膠 一兩炒令黃

射干湯 小品 主春冬傷寒秋夏中冷欬嗽曲拘不得氣息

喉鳴啞失聲乾嗽無唾喉中如哽者

射干 二兩 半夏 五兩洗 杏仁 二兩去皮尖 乾姜 二兩炮

甘草 二兩炙 紫苑 二兩 肉桂 二兩 吳茱萸 二兩 當歸 二兩

橘皮 二兩 麻黃 二兩去節獨活 二兩

右十二味以水一斗煮取三升去滓溫分三服始病一

二日者可服此湯汗後重服勿汗也病久者初服可用

大黃二兩初秋夏月暴兩冷及天行暴寒熱伏於內官

傷寒啓微下

三十四

靜儉堂

生姜四兩代乾姜除吳茱萸用枳實二兩

下氣橘皮湯古今錄驗療春冬傷寒秋夏冷濕欬喉中鳴聲

上氣不得下頭痛

橘皮 紫苑 當歸 黃芩 麻黃去節

杏人 桂枝 甘草各三分

右八味以水七升煮取三升分三服不差重合之

知母湯延年療傷寒骨疼頭痛眼睛疼欬嗽

知母二兩 貝母 乾葛 芍藥 黃芩

梔子人擘各三兩 石膏四兩碎裹 杏人一兩去皮尖及雙人

右八味以水七升煮取二升五合去滓分為三服

五味子湯總病論治因發汗時汗出如水漏下脈浮手足

微厥面垢唇青昏憤而喘者陰陽未和尚阻升降

麻黃半兩 人參 五味子 麥門冬 杏仁

橘皮 生姜各一分 大棗七枚

咬咀水三升煮七合去滓通口服一盞未差再作二三

服手足厥甚者厚衣護其厥周按活人五味子湯無麻黃

加味理中湯直指方治肺胃俱寒欬嗽

人參 白朮 乾姜不炒 甘草炙 細辛

五味子 半夏制 茯苓 橘紅等分

右每服一錢半姜枣煎食前服曾經解利者通用

降氣寧嗽湯 本草彙言本無方名周定 治傷寒傷風咳嗽痰喘氣逆

不下睡卧不寧

桔梗 四支 甘草 五分 前胡 枳殼 蘇子

防風 杏仁 去皮 陳皮 各一 生姜 三片 蔥頭 二箇 水

煎服協熱者加黃芩花粉 各一

良姜湯 論總病 治傷寒汗後欬噫不止是陰陽氣升降欲

作汗升之不上降之不下故胃氣上逆而欬噫無休止

橘皮 良姜 桂枝 當歸 各一分 麻黃 半兩

枳榔 三個 杏仁 二十枚 甘草 一分 生姜 一分 大棗 十枚

水二升半煎至一升去滓下枳榔末又煎三沸去滓通

口服一盞未已再一劑

結胸心痛 方六首

枳榔散 論總病 治發汗或下後痞滿或成寒實結胸氣塞

不通

枳榔 二枚 生一煨

細末酒二盞煎一盞四分作兩服溫飲之

消飲丸 宣明論 治大小結胸痛不能仰按及一切積聚氣

塊

天南星 半夏 芫花 自然銅 等分

右為末醋煮糊為丸如桐子大每服五七丸食前溫水

下良久蔥粥投之相虛實加減

栝榔散

同

治傷寒陰病下之太早成痞心下痞滿而

不痛按之軟虛也

栝榔

枳殼等分

右為末每服三錢煎黃連湯調下不計時候溫服

開胸散

古今醫鑑

治傷寒結胸

黃連

半夏

瓜蒌仁

柴胡

黃芩

枳實

桔梗

甘草

山梔子

生薑

三片

右剉一劑水煎溫服

周按此方小陷胸湯小柴胡湯合和加枳實桔梗山梔子者

崔知悌曰時行四五日大下後或不下皆患心中結滿兩

脇痞塞胸中氣急厥逆欲絕心胸高起手不得近不過二十

三日輒便死歿諸醫用瀉心湯余用大小陷胸湯並不得

療重思此或是下後虛逆而氣已不理而毒復上攻毒氣

相搏結於胸中縱不下者毒已入胃胃中不通毒還衝上

復搏於氣氣毒相激故致此病療之當先理其氣次下諸

疾思與增損理中丸方

人參

白朮

甘草

枳實

茯苓

牡蠣

熬各二兩

乾姜

六分

枳實

四枚

右八味末之以蜜和為丸服如彈子一丸熟水下不歇

復服

灸結胸法

蔣示吉通 醫外治

川黃連

七寸

巴豆肉

七粒不 去油

共研成膏入臍中上用艾灸之以腹中通快為度

婦人傷寒

方六首

桂枝紅花湯

治人

治婦人傷寒發熱惡寒四支拘急口

燥舌乾經脈凝滯不得往來

桂心

芍藥

甘草

炙各 三兩

紅花

二兩

右剉每服抄五錢匕以水一盞半生姜四片棗二枚煎至七分去渣服良久再服汗出而解

柴胡當歸湯

同

治婦人傷寒喘急煩躁或戰而作寒陰

陽俱虛不可下

柴胡

三兩

白朮

二兩

人參

炙

甘草

炙

當歸

赤芍藥

各一兩

五味子

木通

各半

右剉每服抄五錢匕以水一盞半生姜四片棗子二枚煎至七分去滓溫服

乾地黄湯

同

治婦人傷寒差後猶有飲熱不去謂之遺

熱

乾地黄

大黃

黃連

黃芩

各一兩

柴胡

去芦

白芍藥

甘草

各一兩 半炙

右搗為粗末每服抄四錢匕以水一盞半煎至七分去



澤溫服取溱利汗出解

竹葉湯

金匱要畧

產後中風發熱面正赤喘而頭痛者主之

生竹筴

一把

葛根

三兩

防風

桔梗

桂枝

人參

各一兩

甘草

一枚

附子

一枚

大棗

十五枚

生姜

五兩

右十味以水一斗煮取二升半分溫三服嘔者加半夏

柴物湯

全生集

治熱邪傳至半表半裏症寒熱嘔而口苦

脈弦數者

卽四物湯合小柴胡湯

當歸白朮湯

得効方

婦人未平復因有所動小腹急痛腰

膝疼四肢不任舉身無熱發者

白朮

桂枝

去皮

甘草

炙

人參

黃芪

芍藥

各一分

生姜

半兩

當歸

一兩

附子

一枚破分

八片去皮

右剉散水三升煮取一升半去滓通口服一半食頃再

服一半溫服微汗便差

吐虢

方二首

理中安虢湯

全生集

治虢厥其人手足冷而吐虢又厥陰

病其人素有寒安發其汗或汗後身熱以致胃中虛冷

藏寒饑不能食食卽吐虢或心胸脇下有痛陣必撮眉

呻吟時下血如豚肝色或如濕毒膿狀

人參

中

白朮

中

乾姜

上

茯苓

中

烏梅

三個

花椒

水姜煎○手足冷加附子○有嘔加陳皮半夏○吐衄未止加黃連苦楝根細辛

加味小柴胡湯同 治吐衄身熱不退

柴胡上 黃芩中 黃連中 半夏 人參

乾姜 烏梅各下 黃栢中 細辛下 楝樹根皮中

花椒下 水姜煎服

敗壞別行方

龐安時總病論中立此一門是即傷寒論所謂壞病也救治之法論中既已審焉今觀龐之所列其証陰陽混雜難以定者也此等証候亦不得有時無之因撮數方以舉後欵

附子鼈甲湯 治天行病熱勢彌固大便祕澀心腹痞滿

一可救決計不可作煮散  
食飲不下精神昏亂恍惚狂言其脈沈細衆狀之中無

鼈甲 白蘚皮 茵陳各半兩 細辛 桂枝

白朮 萊菔 附子 枳實各一分 大黃三分

生姜一兩

咬咀水三升煮一升溫作三服

木通桂枝湯 治傷寒將理失節服冷藥太多伏熱在藏

手足厥逆爪甲稍青恐陽氣漸衰成陰毒氣踟躕之間

變入狐惑面色班班如錦紋

木通 桂枝各一兩 吳茱萸 細辛各一分 甘草半兩

蔥白 六莖 棗 九枚

咬咀水二升半煎一升二合去滓溫作四服

鼈甲恒山湯 治傷寒三七日至四七日勞瘵不歇熱毒

不止乍熱乍寒乍差乍發動作如瘧

鼈甲 恒山 牛膝 各三分 大青 牡丹 各半兩

石膏 二兩 烏梅 甘草 各一分 淡竹葉 豉

麥門冬 生地黄 各二兩半

咬咀水五升煎二升半溫飲一盞

鼈甲犀角湯 治傷寒八九日不差名曰敗傷寒諸藥不

能治者

鼈甲 一分 升麻 柴胡 烏梅肉 犀角屑

黃芩 各半兩 甘草 一分 生地黄 二分 合

咬咀水三升煎一升半分五服日三夜四

心煩譫語潮熱身熱 方一十五首

酸棗湯 深師 療傷寒及吐下後心煩乏氣晝夜不眠

酸棗人 四分 麥門冬 一分 甘草 二分 蜩母 二分

茯苓 二兩 芎藭 二兩 乾姜 三兩

右七味以水一斗六升煮酸棗取一斗去棗內藥者取

三升去滓溫分三服

黃芩梔子湯 總病論 治頭痛壯熱心中煩

醫學寶鑑 傷寒啓微下 四十一 靜儉堂

黃芩

梔子

石膏

乾葛

豉

蔥白

寸切  
半介

咬咀水四升煮取一升半溫作三四服始得病便如

前証亦可服治夏月傷暑殊驗龐云服此頭痛未解  
宜服葛根蔥白湯

治疫清涼散醫學心悟治天行邪歸於裏腹脹滿悶譫語發

狂唇焦口渴者

秦艽

赤芍

知母

貝母

連翹各一  
匙

荷葉

七分

丹參

五匙

柴胡

錢半

人中黃

二匙

水煎服

如傷食胸滿加麥芽山查葡萄子陳皮○脇下痞者加蠶

甲枳殼○昏憤譫語加黃連○熱甚大渴能消水者加

石膏天花粉人參○便閉不通腹中脹痛者加大黃下

之○虛人自汗多倍加人參○津液枯少更加麥冬生

地○若時行寒疫不可輕用涼藥宜斟酌投劑

犀角湯

聖濟

治傷寒邪熱在胃譫言妄語身體壯熱

犀角

鎊

大青

人參

各三  
分

遠志

去心  
一分

升麻

一兩  
半

柴胡

去苗

黃芩

去黑心  
各一兩

甘草

炙剉  
半兩

右八味每服五錢匕水一盞半入生姜半分拍碎蘆根

茅根各五寸同煎至半盞去滓溫服

犀角湯

同

治傷寒熱病譫言妄語四服煩熱

犀角鎊

芫胡去苗

吳藍

馬牙消各一兩

升麻

葛根剉各一兩半

甘草炙半兩

右七味每服五錢匕水一盞半煎至七分去滓溫服

芫胡湯同

治傷寒熱實煩躁譫語

芫胡

人參

黃芩去黑心各一兩

犀角鎊

朴消

茯苓去木各三分

甘草炙剉半兩

右七味每服五錢匕水一盞半煎至七分去滓溫服

人參芫胡湯同

治傷寒經六七日不解默然煩心腹中

乾燥大腸結澀譫言妄語

人參三分

芫胡去苗一兩

芍藥

知母

黃芩

去黑

心

大黃剉微炒

半夏

湯洗七遍焙

萎蕤

甘草

炙各半兩

右九味每服五錢匕水一盞半入生姜一分拍碎同煎

至七分去滓溫服

六味芫胡湯同

治傷寒經十日已上潮熱不解日晡即

發即壯熱如火胸滿嘔逆

芫胡一兩

桂去皮

枯樓根各半兩

黃芩三分

牡蠣

燒赤

甘草炙各一分

右六味生姜水煎與前方同

芫胡鼈甲湯同

治傷寒過經潮熱不解或時作寒如瘧

狀

芫胡

鼈甲

去裙襴 醋炙

赤茯苓

各一兩

黃芩

去黑心

知母

焙

桑白皮

各一分

甘草

炙半兩

右七味 生姜水煎法同前

芫胡石膏湯 同治傷寒十日已上潮熱不退

芫胡

石膏

碎

赤茯苓

白朮

萎蕤

羚羊角

鎊各一兩

梔子人

一分

桑根白皮

割三分

右七味煎法同前

柴胡養榮湯

溫疫

治陽明病既解之後餘熱尚在津液未復者兼治柴胡症而熱邪盛而將熬陰血者

柴胡 大黃 黃芩 芍藥 生地 知母 天花粉 陳皮

柴胡 大黃 黃芩

花粉

甘草

陳皮

當歸

白芍

生地

知母

天花粉

姜朮煎服

本方去歸芍生地 名柴胡清燥湯

承氣養榮湯

溫疫

治陰枯血燥裏實者

當歸

芍藥

生地

知母

大黃

枳實

厚朴

水姜煎服

破邪湯

辨證

治傷寒身熱三四日如瘧狀

石膏

三匙

柴胡

一匙

半夏

一匙

甘草

一匙

麥冬

一兩

玄參

三匙

陳皮

一匙

水煎

八公和陽湯 同

治前証

石膏 一匙

柴胡 二匙

茯苓 三匙

白朮 三匙

甘草 一匙

炒梔子 一匙

青皮 三分

天花粉 一匙

水煎服

大柴胡萎蕤知母湯 千金

治傷寒七八日不解默心

煩腹中有乾屎譫語

柴胡 半斤

萎蕤

知母

大黃

甘草 各二兩

人參

黃芩

芍藥 各三兩

生姜 五兩

半夏 半兩

右以水一斗煮取三升去滓服一升日三即下為效

夾陰可溫 方一十首

增損四順湯 治人

治少陰下利手足冷無熱候者

甘草 二兩

龍骨 二兩

人參 二兩

黃連 一兩

乾姜 一兩

附子 一枚炮去皮臍

每服二錢水一盞煎七分日三服若下利腹痛加當歸

二兩嘔者加橘皮一兩 周按肘後四順湯即四逆加人參湯也方後云若下不止加龍

骨腹痛甚加當歸末肱依此法加味者爾

回陽反本湯 傷寒六書

治陰盛格陽陰極發躁微渴面赤欲

坐卧于泥水中脈來無力或脈全無欲絕者

熟附

乾姜

人參 各五分

臘茶

甘草 各三分

五味 九粒

麥冬 二匙

陳皮 七分

澄清泥漿水一鍾煎槌法臨服入蜜五匙頓冷服之取汗為効

復元湯壽世保元 傷寒無頭痛無惡寒身微熱面赤微渴目

無精光口出無倫語脈數無力此汗下太過下元虛弱

此無根虛火泛上名戴陽症

熟附 乾姜炮 甘草 人參 五味子

麥冬 黃連 知母 芍藥

右剉散姜枣蔥煎臨臥入童便三匙溫服

附子散得效方 治陰毒傷寒為病手足冷腰背強頭疼腹

痛或煩渴精神恍惚額與手背時出冷汗聲鄭重瓜甲

唇面色青黑多因脾腎虛寒伏陰重感於寒所致或因

服冷藥過多心腹脹滿昏不知人

附子炮去皮臍三分 桂心 當歸去尾 白朮各半兩去芦

半夏湯泡去滑 乾姜各一分炮

右剉散每服三錢水二盞生姜二片煎至六分不以時

熱服衣覆取汗

參附養榮湯溫疫 治心胸痞滿下之痞反甚者此症表

雖微熱脈不甚數口不渴

當歸一錢 白芍一錢 生地三錢 人參一錢

附子炮七分 乾姜炮一錢



水煎溫服

七成湯溫疫

病愈後脈遲細而弱每至黎明或夜半後

便作泄瀉此命門真陽不足此方主之

破故紙炒鎚碎

熟附子一匙

五味子八分

白茯苓一匙

人參一匙

甘草

水煎溫服

止息湯石室秘錄

少陰病六七日息高者死此乃下元之真

氣欲絕牽連氣海之間故上行而作氣急之狀能上而

不能下也最危急之候宜用此方

人參

熟地各三兩

牛膝

破故紙各三匙

麥門冬二兩

乾姜五匙

胡桃仁一箇

水煎服

附子益肝湯醫宗粹言

目睛不了了手足冷而指甲青黑神

魂不定或筋青冷酸而疼或無故喜怒或臍下小腹中

或脇下或睪丸先覺冷而後厥逆惡寒或臍下冷痛脈

沈而微弱茲因大怒或大勞傷肝致使肝藏元陽之氣

驟脫故也此方主之

製黑附二匙

人參三匙

蜜炙芪一匙五分

肉桂一匙

吳茱萸七分

甘草八分

右水二鍾煎一鍾溫服

追菟丹

辨証錄

治汗吐下後身熱未退死証俱現

人參 一兩

茯苓 五錢

山藥 一兩

附子 一分

甘草 一錢

生杏仁 一兩

水煎服服之大便止者有生機或汗止或吐止三者得

一亦有生意此方無功宜後方

奪菟湯

同

人參

生杏仁

白芍 各一兩

茯苓 五錢

附子 一分

右水煎服

上實可吐

方三首

撩膈湯

聖濟

治傷寒三四日胸中痰壅憎寒壯熱頭痛

桃枝

一握東引者取梢

柳枝

一握取梢

甘草

一分生用

烏梅

梔子

一分

右五味各細剉同用漿水一大盞半煎至一盞去滓空

心分為二服相次再服取吐為度

三物湯

同

服撩膈湯吐後頭痛壯熱未退即服此

薄荷

一握剉

人參

半兩剉

生姜 一分

右三味用水一大盞至半盞去滓空心溫服晚再服

吐疹散

同

治傷寒四日毒氣入胃喉中悶閉

瓜蒂

微炒

丁香

各一分

右二味搗羅為散每服一錢七空心溫水調下當吐下

後便可煮蔥豉粥補之

傷寒上氣口瘡 方五首

竹筍湯 聖濟 治傷寒後上氣煩滿客熱在藏乾嘔口中

生瘡不得飲食

青竹筍 葛根各一兩 半夏 麥冬各三分

甘草 橘皮各半兩

右六味每服五錢匕水一盞半生姜一分煎八分溫服

貝母湯 聖濟 治傷寒後飲水多卒上氣發熱

貝母 炮 桑白皮 款冬花各一兩 甘草 炙一分

橘皮 焙半兩

右五味每服五錢匕水一盞半竹葉三七片同煎服

黃栢升麻湯 總病論 治天行口瘡

黃蘗 升麻 甘草 生各半兩

水一升半煮半升入地黃汁一合煎升半分二服細呷

之

升麻湯 集驗 療天行熱病口瘡

升麻 二兩 通艸 四兩 射干 二兩 羚羊角 三兩

芍藥 三兩 生蘆根 一升

右六味以水七升煮取三升分為三服

地黃湯 廣濟 療天行肺熱欬喉有瘡

生地黄切一分 升麻 玄參 芍藥 柴胡

麥門冬去心各八分 貝母六分 竹葉切一分 白蜜一合

右九味切以水九升煮取三升絞去滓內蜜再上火煎

三沸含咽其汁勿停中間不妨食不利忌蕪荑熟麩猪犬肉油膩

傷寒瘥後遺毒方四首

連翹敗毒散全生 治傷寒餘毒不除耳後及耳下硬腫

者

連翹 山梔 羌活 玄參 薄荷

防風 柴胡 桔梗 升麻 川芎

當歸 黃芩 芍藥 牛蒡子小兒同煎服

水煎服加紅花同煎○渴加天花粉○面腫加白芷○

項腫加葳靈仙○大便實加大黃川山甲○虛加人參

托裏消毒散全生 治發願有膿不消或已破未破俱可

服

黃芪 白芷 連翹 羌活 川芎

當歸 赤芍 防風 桔梗 柴胡

加皂莢金銀花甘草水煎服

柴胡葛根湯外科正宗 治頤毒表散未盡身熱不解紅腫堅

硬作痛者

柴胡 天花粉 乾葛 黃芩 桔梗

連翹 石膏 牛蒡子各一 甘草五分 升麻三分

水二鍾煎八分服

牛蒡甘桔湯同 治願毒表邪已盡耳項結腫微熱不紅

疼痛者

牛蒡子 桔梗 陳皮 黃連 川芎

赤芍藥 天花粉 甘草 蘇木各一

水二鍾煎八分服

傷寒後雜証 方一十二首

萋貝菊花湯穆仲淳定舊無方名周定 治傷風後耳聾

甘菊花 萋根 貝母各二 蘇梗 石菖各一

各一 前胡一 桑皮一 柴胡 甘草各六

分 細辛四分 加竹瀝一杯不拘時服

橘皮半夏湯張氏通 治感冒鮮後欬獨不止

橘皮 半夏 茯苓 桔梗 前胡

杏仁 桑白 香附子 蘇子

生姜水煎

七珍散本事 開胃養氣進食

人參 白朮 甘草炙 黃芪蜜炙 山藥

茯苓 粟米炒各一兩

每二錢水一盞姜棗煎七分如大故不惠飲食加白篇

豆一兩蒸用名八珍湯○予製此方溫平不熱每有傷

寒瘧疾中暑得差之後用此方以調脾胃周按切切新書補木散即

本方去黃荳山芋粟米加蓮肉藿香罌粟米等分細末

按奇效良方去粟米名六均子湯治傷寒汗下之後將

人參湯奇効良方治傷寒後虛羸少力嘔噦氣逆

人參二分 白茯苓去皮二分 麥門冬去心 黃芪各二分

半夏湯洗七次炒 陳皮去白 白朮各半兩 甘草炙一分

右咬咀每服五錢匕水一盞半入生姜三片棗二枚擘

破同煎至八分去滓食前溫服

牡蠣散奇効良方治傷寒後虛損心多怔悸夜夢洩精

牡蠣燒為粉 桂心 白芍藥 鹿茸酥炙

龍骨各一兩 甘草炙半兩

每服五錢水一大盞生姜半分棗三枚煎至五分服

七宣丸雲岐子治傷寒汗下後裏急後重下利者

大黃一兩 木香 枳榔 柴胡 訶子皮

甘州各半兩 桃仁三十枚去皮尖

右為細末煉蜜丸如桐子大每服五十九溫水下

人參補胃湯審視瑤函治傷寒愈後餘邪不散上走空竅其

病癰澀赤脹生翳障羞明頭腦骨皆痛

羌活 獨活各六分 白芍藥 生地黃 澤瀉

各三分 人參 白朮 黃芪 白茯苓

炙甘草 熟地黃酒洗 當歸身各四分 柴胡

防風各五分

右剉劑白水二鍾煎至一鍾去滓熱服

半夏散鄉藥集 治傷寒後脚氣心煩滿悶不下飲食嘔

逆痰唾上

半夏湯洗七遍去滑 枳殼麸炒去白穰 赤茯苓 前胡去蘆頭

木通剉 人參去蘆頭各三分

右搗羅為散每服三錢以水一中盞入生姜半分煎至六分去滓不計時溫服

牛蒡根湯切切集成 治發汗不透餘毒在心包絡令瘥後昏

沈甚至手足搐搦或寒或熱上

牛蒡根 麻黃 牛膝 天南星各六

右為末每服五分好酒下日三服

治傷寒汗漏不止

炒麩皮 糯米粉 龍骨 牡蠣煨

右為細末和勻周身撲之其汗自止免致亡陽而死

治舌焦黑不去

以井水生姜擦去黑胎用蜜調玄明粉塗之而胎去矣  
出赤水玄珠醫案

治妊娠時氣身大熱令子不落護胎方 本事方

浮萍乾 朴硝 蛤粉 大黃碎微炒 藍根各一兩

右為末水調封臍上安胎解煩熱極妙

*[Faint bleed-through text from the reverse side of the page]*

# 寬政五癸丑歲春正月

京都書肆

堀川高辻

江戸書肆

梶川七郎兵衛

發

日本橋通一丁目

須原屋茂兵衛

池端仲町

須原屋 伊八

室町二丁目

須原屋市兵衛

本白銀町通二丁目

須原屋善五郎

行



時氣身大熱令子不...

右為水調封臍口...

室四二下目

出敬中門

日本蘇區二下目

蘇川高七

蘇京墨善正

蘇京墨市共

蘇京墨

蘇京墨

蘇川大

計

發

云々書

京書

寅好正癸丑歲春五月

